

Uuminnga eqikkagaq:

- Inatsimmik allannguinnermut inatsisissatut siunnersuut, inatsimmi Inuit Allattorsimaffiisa Qitiusoqarfiani, inatsit Kalaallit Nunaanni folketing-imut qinersinermi aammalu inatsit Folketing-imut qinersinnermut (Danmarkimi Kalaallit Nunaannilu Najugaqartutut allattorsimaneq, inuit pineqartut, Kalaallit Nunnata Namminersorlutik Oqartussaqaarfianiit imaluunniit qallunaat naalagaaffianiit naalagaaffiup avataanut kiffartuussiartoqqusaasimasunut , Kalaallit Nunaanni Danmarkimilu folketing-imut qinersinermi qinigassat allattorsimaffiinnut ilanngunneqarnissaq pillugu) aammalu
- peqqussut malillugu Kalaallit Nunaanni inatsimmik atuutsitsilernissamik § 24-p ilaannik, imm. 5 aamma 6, inatsimmi Qitiusumik Inuit Allattorsimaffiini, aamma § 1, nr. 1 aamma 2, inatsimmi Qitiusumik Inuit Allattorsimaffiini allannguinnermi, inatsit Folketing-imut qinersinermi (Danmarkimi Kalaallit Nunaannilu Najukkamik Nalunaarsorsimaneq inunni pineqartuni ukunani, naalagaaffiup avataanut Kalaallit Nunaanni Namminersorlutik oqartussaniit imaluunniit Danmarkimi piumaffigineqarsimaneq malillugu kiffartuussiartorneq, Kalaallit Nunaanni Danmarkimilu Folketing-imut qinersinermi qinigassat allattorsimaffiannut ilanngunneqarsimaneq pissutigalugu il.il.)

1. Aallaqqaasiut

Kalaallit Nunaanni Namminersorlutik Oqartussaniit qinnuigineqarneq malillugu, periarfissiisoqarnissaq pissarsiareqquneqarpoq, inunnut Kalaallit Nunaanni najugaqarlutik nalunaarsorqqasunut qallunaat naalagaaffianni atorfilittut, Kalaallit Nunaanni Namminersorlutik Oqartussani atorfillit, naalagaaffiup avataanut kiffartuusiartornissamik qinnuigineqarnertik malillugu najugaqarallartunut , kiisalu ilaqutaannut peqataasunut, uunga atatillugu CPR-iminni najugaqarnermi nalunaarsorsimasutut aammalu Folketing-imut qinersinernut qinigassat allattorsimaffiannut ilanngunneqarnissamut, Danmarkimi najugaqartutut assigiimmik pineqarnissaq pillugu, qallunaat naalagaaffiannut kiffartuussiartorluni aallartitatut.

Qinnuteqaatip akuerineqarnissaanik naatsorsuutaavoq inatsisinik allannguinnissaq. Pineqarpullu Qitiusumik Inunnik Nalunaarsuineq (CPR-ip inatsisaa)-nik allannguineq, Folketing-imut qinersinermi inatsimmik aammalu Kalaallit Nunaanni folketingimut qinersinermi. Inatsisissatut allannguutissatut siunnersuutigineqartoq inatsimmi Kalaallit Nunaanni folketing-imut qinersinermi, Kalaallit Nunaannut toqqaannartumik atuutissaaq, taamatuttaaq Inatsisartunut saqqummiunneqassalluni Folketing-imut inatsimmik siunnersuutip saqqummiunnissaa sioqqullugu. Imm. 2 takuuk.

Malitsigalugu CPR-ip inatsisaata § 24, imm. 5 aamma 6-p. kunngip peqqussutaani Kalaallit Nunaannut atuutilersussatut ikkunneqassaaq. Peqatigitillugu Kalaallit Nunaanniit kissaatigineqartutut saqqummiunneqassaaq, uumannga inatsisissatut siunnersuutaaluni allannguutissatut aalajangersagaq tassannga atuutsitsilernissamut tunngatillugu. Imm. 3 takuuk.

2. Ukunani inatsisissatut allannguut pillugu; Qitiusumik Inuit Nalunaarsorneqarnerisa inatsisaanni, Kalaallit Nunaanni folketing-imut qinersinermi inatsimmi aammalu inatsimmi Folketing-imut qinersinermi inatsimmi (Danmarkimi Kalaallit Nunaannilu Najugaqarnermik nalunaarsorneqarnermi inunni pineqartuni, Kalaallit Nunaanni Namminersorlutik Oqartussaniit imaluunniit qallunaat naalagaaffianiit kiffartorluni naalagaaffiup avataanut suliaartortutut, Danmarkimi Kalaallit Nunaannilu folketing-imut qinersinermi qinigassat allattorsimaffianni ikkunneqarnissamut il.il.)

2.1. CPR-imi Najugaqarnermi nalunaarsorneqarneq

Inatsimmi pineqartumi Qitiusumik Najugaqarnermut Nalunaarsuiffiup (CPR-p inatsisaani) Kalaallit Nunaanni kunngip peqqussutaanik atuutsinneqalerpoq peqqussummi nr. 1198-mi 29. november 2006-mi, peqqussutitut allanngortinneqarluni nr. 449-mi 23. maj 2016-mi aamma peqqussummi nr. 681-mi 6.juni 2016-meersumi.

CPR-p inatsisaani § 24, imm. 5 aamma 6-mi, aalajangiussaasimavoq , inuit qallunaat naalagaaffiani atorfeqartut, naalagaaffiullu avataanut kiffartuussiartorlutik peqquneqarsimasut, ilaquuttatik peqatigalugit, qanorluunniit aalajangerneqartoq inatsimi § 24, imm. 1-mi, qaqugumulluunniit CPR-i tunngavigalugu aallarsimasutut nalunaarsorneqanngisaannassasutut, kisiannili Kalaallit Nunaannut atuutsilersinneqanngilaq.

Kalaallit Nunaata Namminersorlutik Oqartussaqaarfiata kissaateqarnini ersersippaa, CPR-ip inatsisaata 24, imm. 5 aamma 6-p Kalaallit Nunaannut atuutsinneqalernissaanik, imaalilluni inuit qallunaat naalagaaffianni atorfillit, Kalaallit Nunaannili najugaqartutut nalunaarsoqqasut, piumaffigineqarsimallutillu naalagaaffiup avataani kiffartuussiartornissamik, ilaquuttatik peqatigalugit, nunami allamiinnerminni Kalaallit Nunaanni najugaqartutut nalunaarsoqqaannassasut.

Tassannga naatsorsuutigineqarpoq kunngip peqqussutaani Kalaallit Nunaannut alajangersakkanik atuutsitsilernissamik nutaamik piginnaatitaaffeqalernerq pissarsiarineqassammat, periarfissatuaammammi Kalaallit Nunaannut kunngip peqqussutaanik qallunaat inatsisaat ataasiaannarluni atuutsinneqalersinnaammat. Inatsisissatut siunnersuut § 1, nr. 3 atorlugu periarfissaq pilersinneqassaaq, una anguniarlugu, kalaallit kissaataannik akuersineq.

Taassuma saniatigut Kalaallit Nunaanni Namminersorlutik Oqartussat kissaatitut eqqaasimavaat, inuit CPR-ip inatsisaatigut § 24, imm. 5 annertusineqassasoq inunnut tunngassuteqartut, Kalaallit

Nunaata Namminersorlutik Oqartussa qarfiani atorfeqartut naalagaaffiup avataanut kiffartuussinermik suliaqariartorlutik peqquneqarsimasut, taamatuttaaq inuit pineqartut ilaquttatik peqatigalugit CPR-imikkut najugaqartutut nalunaarsorneqaannarnissaat nunami allamiinnerminni. Taanna kissaat inatsisissatut siunnersuummi § 1, nr. 1-imi akuerineqassaaq CPR-p inatsisaani § 24-mi imm. 5-mi allanngortitsisinikkut, taamaalilluni inuit pineqartut aalajangersakkami ilaatinneqassallutik.

Inatsisissamik siunnersuummut nalinginnaasumut innersuunneqarput oqaaseqaatigineqartut imm. 2.1. kiisalu oqaaseqaatigineqartut immikkuullarissut inatsisissatut siunnersuummi § 1-imiittut.

2.2. Folketing-imi qinersinermi qinigassat allattorsimaffiannut ilanngunneq

Saniatigut Kalallit Nunaanni Namminersorlutik Oqartussaniit kissaatigineqarpoq , inuit qallunaat naalagaaffianni atorfillit , Kalaallit Nunaannili najugaqartutut nalunaarsorsimasut, naalagaaffiup avataanut kiffartuussiartorlutik suliartoqqusaasimasut, ilaquttatik peqatigalugit , tak. inatsit atuuttoq § 24, imm. 5 aamma 6, inuillu Kalaallit Nunaata Namminersorlutik Oqartussa qarfianni atorfeqartut, peqquneqarnertik tunngavigalugu naalagaaffiup avataani kiffartuussiartorsimasut, ilaquttatik peqatigalugit, maleruagassat malillugit folketing-imut qinersisinnaanermut tunngasut, naalagaaffimmi najugarigallakkami nunaqavissutut isigineqassapput, taamaalillutik folketing-imut qinersisinnaanermut piumasaqaatit naammassisimassallugit, qanorluunniit sivilisutigisumik nunami allamiikkaluarunik, aamma qanorluunniit taakkua inuit pineqartut piffissami aallartitaanerminniit Danmarkimi Kalaallit Nunaanniluunniit najugaqarsimagaluarpata.

Tassannga akuersaarneq naatsorsuutigineqassaaq Folketingimut qinersinermit inatsimmik allannguinnissaq aammalu Kalaallit Nunaanni folketing-imut qinersinermi inatsimmi.

Inatsisissamik siunnersuummi siunnersuutaavoq inatsimmik allannguneq Folketing-imut qinersinermi aammalu inatsimmi Kalaallit Nunaanni folketing-imut qinersinermi, taamaalilluni kalaallit kissaataat akuersaarneqassammat.

Taanna tunngavigalugu siunnersuutaavoq periarfissamik aqutissiuunneqarnissaa, qinersisartut taakkua, qallunaat naalagaaffiani imaluunniit Kalaallit Nunaata Namminersorlutik Oqartussa qarfiani atorfillit naalagaaffiullu avataanut kiffartuussiartorlutik suliarthortitaasut, peqquneqarnerup kingunerisaanik qinigassat allattorsimaffianut ilanngunneqarsinnaaneq naalagaaffiup ilaani allami, najugarisami nalunaarsorneqarfigisap avataani najugaqarallarnerminni.

Inatsisissatut siunnersuutigineqartup § 2-p imaraa inatsimmik allannguinerit Kalaallit Nunaanni folketing-imut qinersinermi inatsimmi.

Inatsisissatut siunnersuutigineqartup § 3-p imaraa inatsimmik allannguinerit folketing-imut qinersinermi inatsimmi.

Maluginiarneqarsinnaavoq, inatsisissamik siunnersuutip § 5, imm. 3-mi, siunnersuutaasoq, inatsisip § 3-p allannguutitut tunngasut qallunaat folketingimut qinersinermi inatsisaanni - soorluttaaq pingaarnertut inatsisip atuuttup, aalajangiinermi allanngortinneqarnera - Savalimmiunut Kalaallit Nunaannullu atuutinngitsoq. Nunap ilaani killeqarfiit akuerisat qallunaat folketing-imut qinersinermi inatsisaanni inatsisip imarisaa malillugu Danmarkimut killiligaavoq, pingaarnertut inatsimmi killilersuinermi aalajangersagaq minillugu. siornatigut siunnersuutaasimasuni arlalitsigut allannguutitut qallunaat folketingimut qinersinermi inatsisaanni killilersuinermi aalajangersakkami pingaarnertut inatsimmi ilaangilaq, kisiannili allattorsimaffiani paasinerluinikkut ima paasineqarsimalluni, folketingimut qinersinermi inatsisip nunamut tamarmut atuuttuusutut, ima annertussusilimmik maleruagassatut isikkulimmik. Savalimmiunut Kalaallit Nunaannullu qallunaat folketingimut qinersinermi inatsisaat inatsisitigut atuutinngilaq.

Innersuunneqarpoq inatsisissatut siunnersuutip nalinginnaasup oqaaseqaatigineri imm. 2.2. aamma 2.4. kiisalu oqaaseqaatit immikkuullarissut inatsisissatut siunnersuummi § 2 aamma § 3-miittut.

3. Kalaallit Nunaannut atuutilersussatut aalajangersagaq CPR-p inatsisaani § 24, imm. 5 aamma 6

Soorlu taaneqareersoq Kalaallit Nunaata Namminersorlutik Oqartussa qarfiata kissaatigigaa, CPR-p inatsisaata § 24, imm. 5 aamma 6-p Kalaallit Nunaannut atuutsinneqalernissaa, imaalillugu; inuit qallunaat naalagaaffianni atorfeqartut Kalaallit Nunaanni angerlarsimaffeqartut naalagaaffiup avataanut kiffartuussiartornissaminnik peqquneqarsimasut, ilaquuttatik peqatigalugit, Kalaallit Nunaanni najugaqartutut nalunaarsorsimanerat attatiinnassasoq nunami allamiinneranni. Taaneqareersututtaaq Kalaallit Nunaata Namminersorlutik Oqartussa qarfianiit taassuma ataani kissaatitut eqqaaneqarpoq, inuit pineqartut CPR-ip inatsisaani § 24, imm. 5-mi, annertusineqartussap ilagaattaq, Kalaallit Nunaanni Namminersorlutik Oqartussani atorfillit naalagaaffiullu avataanut kiffartuussiartorlutik suliartoqqusaasut , taassumalu annertusillugu ilaneqarnissaa aamma Kalaallit Nunaanni atuutsinneqartussatut ikkunneqassasoq.

Kalaallit Nunaanni Namminersorlutik Oqartussat kissaataat aalajangersakkap eqikkarnerani akuerineqarpoq.

4. Ingerlaarnera

Kalaallit Nunaanni naalakkersuineq Naalakkersuisut inatsisissamut siunnersuummut isumaqataapput peqqussullu nalunaarutigalugu, inatsisissamik siunnersuutip aalajangersakkallu Inatsisartut ukiaanerani ataatsimiinnerannut 2022-mi oqaluuserisassaannut ilanngunneqassasut.

Inatsisissatut siunnerusuut saqqummiunneqareerpat Inatsisartut Folketing-imut saqqummiivigineqassapput sapinngisamik piaarnerpaamik. Inatsisissamik siunnersuummik

Folketing-ip aalajangiinerata kingorna ministereqarfiup qulakkiissavaa, aalajangersagaq Kalaallit Nunaannut atuutsilersinneqassasoq inatsisissatut siunnersuummik atuutsilersitsineq peqatigalugu.